

ENPLEGUA. Enplegua sustatzeko egitasmoaren emaitzak aurkeztuta

Ezkerraldean 200 langabe enplegatu eta 14 enpresa sortu ditu Emankor planak

Langabezia %10,3koa da Ezkerraldean, bost urtean 12 puntu jaitsita

Erredakzioa | BILBO

Ezkerraldeko ia 200 langabek jo dute lehenengo enplegura azken bi urteetan enplegatzeko Emankor programaren bidez. Bizkaiko Aldundiko CEDEMI garapen erakundeak eta BBK-Gazte Lanbidean fundazioak bultzatu dute egitasmoa.

Emankor 2001eko otsailean indarrean jarri zenetik hona, guztira 153 lagunek parte hartu dute enplegatzeko atalean, eta atzo bertan beste 38 desenplegatuk ekoin zioten, Tontxu Campos diputatuak jakinarazi duenez. Programa honetako partaideen %60k behin betiko enplegatzea lortu dutela azpimarratu du Camposekin.

Emankorren bidez, langabe-ek sei hilabeteko praktikak egiten dituzte enpresetan lanbidea ikasteko, eta Gazte Lanbidean-ek soldata ordaintzen die.

Emankor egitasmoaren bigarren lan aukera enpresa sortzea da. Atal horretan, programak 50 enpresa proiektutik gora jaso ditu, eta horietatik 14 enpresa bilakatu dira. Horri esker, 48 lanpostu berri sortu dira. Negozio hauetan 1,4 milioi euro



CEDEMIko eta Gazte Lanbidean-eko arduradunak Camposekin.

baino gehiago inbertitu dira, eta kopuru horretatik BBKren ekarpena 1,19 milioi eurokoa izan da, fundazioko arduradun Jon Ugaldek esan duenez.

Emankor bezalako programen onura azpimarratu du, bere aldetik, Javier Maqueda CEDEMIko zuzendariak, Ezkerraldeko langabeziari aurre egiteko tresna egokiak diren aldetik. Hala, eskualdeko langabezia tasa %10,3ra jaitsia zen aurtengo hirugarren hiruhileko-

an, eta azken bost urteetan ia 12 puntu behera egin du, hain zuzen ere CEDEMIk 1987an lanean hasi zenetik. Bizkaiko langabezia %8,2koa eta EAEkoa %7,4koa ziren iragan irailean.

Ezkerraldeko langabezia tasarik altuena Sestaok dauka, %14,2koa, gero Portugaletek, %11,4koa eta Alonsotegik, %10,4koa. Tasarik apalenak Zierbenako %7,61ekoa, Muskizko %7,81ekoa eta Trapagarangoa, %8,44koa dira.

BURTSA. 1.430 milioi euroko salerosketa eta aldakortasun handia

Mañariatik hasita Urkiolaraino


J. B. Andueza |

Bilbo-2000 indizeak Mañariatik hasi eta Urkiolarainoko bidea egin zuen atzo, Gasteizerako bidea hartuz ondoren. Esan nahi baita, goizean sendo hasi, politto igo eta azken orduan galdu zuela altuera pittin bat. Alemaniaren defizitari buruzko berriek eta Estatu Batuen manufaktura datu makalek ez zuten ezkutatu euroaren eremuko motelaldi ekonomikoaren inguruko kezka.

Bidean aldapa eta erritmo ezberdinak izan ziren akzioentzat: Gamesa (-%3,34) eta teknoxerrirentzat (Sogecable %4,81 jaitsi zen eta Amadeus -%2,9), edo blue chip argitsuena izan zen Endesarentzat (+%3,11) kasu. Iberdrola (+%2,15) ere ederki dantzatu zen.

Bilboko 2000 indizea

Diferentzia **+%0,48** | Azken indizea 1.215,05 | Aurreko indizea 1.209,27



Beste indizeak

New York (Dow Jones)*	8.877,06 (+%0,21)
Tokio (Nikkei)	9.174,47 (-%0,44)
Madrid (IBEX-35)	6.736,30 (+%0,76)
Paris (CAC-40)	3.298,76 (-%0,84)
Londres (FTSE 100)	4.154,30 (-%0,36)
Frankfurt (DAX)	3.380,20 (+%1,80)
Milano (Mibtel)	19.024 (+%0,09)

* Egutegira arte

Dibisen merkatua

Pezeta	166,386
Libera	6,55
Dolarra (AEB)	0,9871
Libera Esterlina	0,6382
100 Yen (Japonia)	12314

DATUA

Deutsche Telecom (+%4,23) ere zorra gutxitzeko planean murgilduta dago. Horregatik jarri ditu salgai Interneteko T-Online (+%3,58) filialaren 100 milioi akzio. SCHk (+%1,67) Banestorekin (-%0,67) egin bezala, enpresaren kontrola galdu gabe altxortegia betetzea da mugimenduon helburua.

LABURAREN

LABek batasun sindikala berriz egitera premiatu du ELA, sindikalismoa eraginkorragoa izateko

Rafa Diez Usabiaga LABeko idazkari nagusiak ELA premiatu du eztabaida politiko, sindikal eta sozialetik abiatuta, ekintza sindikalaren batasuna berreskuratzeko prozesu erreale eta sakona irekitzeko. Izan ere, «Euskal Herria fase erabakigarrian sartzen ari da, eta sindikalismo aberztalea ezin izan daiteke subjektu pasibo». Aitzitik, ELA eta LABen ekintza bateratua «aktibo garrantzitsua da Euskal Herriarentzat». Hauteskunde sindikalei buruz Diez Usabiagak uste du LAB «sendotzen eta aurreratzen» ari den proiektu bat dela, nahiz eta «zoritar igarle batzuek» kontrakoa aurreikusi.

Lan Ikuskaritzak BBVA zigortu du Donostiako lan osasun batzordea desegiteagatik

Lan Ikuskaritzak 6.001 euroko zigorra ezarri dio BBVARI, finantza erakundeak Donostiako egoitzako lan osasun eta segurtasun batzordea desegin duelako eta hori «arau hauste larria» delako. ELA eta LABek iragan maiatzean salatu zuten finantza erakundeak, batzordea desegiteko erabakia Lan Arriskuak Eragozteko Legearen aurka zihoalakoan. LABek dioenez, Ikuskaritzak batzordeari eusteko agindu arren, bankuak uko egin zion.

Bi langile zauritu ziren atzo Barakaldon eta Durangon aldamioetatik behera erorita

Bi langile zauritu egin ziren atzo Barakaldon eta Durangon gertatutako bi lan istriputan. Bi kasuetan, zauritutako beharginak aldamioetatik behera erori ziren, eraikuntza lanetan ari zirela. Barakaldoko langilea bi metrotik behera jausi zen eguerdian eta Durangoko hiru metrotik behera, arratsaldean. Beharginak Gurutzetako eta Galdakaoko erietxeetara eraman zituzten, pronostiko erreserbatuko zauriak zituztela.

MERKATARITZA

AEBek aduana sariak erabat kentzeko proposamena egin diote MMEri

Agentziak | GENEVA

Ameriketako Estatu Batuek (AEB) atzo aurkeztu zuten ofizialki Munduko Merkataritza Erakundearen (MME) aduana sariak desagertzeko proposamena. Horren arabera, 2015erako muga sariak desagertu egingo lirarteke mundu zabalean nekazaritzakoak ez diren produktuen salerosketan, hau da, industria nahiz kontsumo produktuen salerosketan.

AEBetako ordezkari Linnet Deilyk dioenez, muga sariak desagertzeak sei bilioi dolarreko komertzioa eragingo luke munduan, eta «lurralde guztientzako aukerak egongo lirarteke». Hala, AEBen argudioen arabera, muga sarien desagertpenak onura ekarriko die bai lurralde garatuak, baita garapen bidean daudenei ere, azken hauen esportazioen %89 industri produktuetatik direlako.

Muga sariak kentzeko lehenengo fase honetan, AEBetan, Europako Batasunean eta Japonian sartzen diren produktuen bi herenak liberalizatu egingo lirarteke, AEBen proposamenaren arabera. Era berean, 2005-2010 bitarteko lehenengo epealdi horretan, munduko aduana saririk altuenak %8ra mugatuko lirarteke. Bigarren fasea 2010etik 2015era bitartekoa izango litzateke, eta horretan muga sariak erabat desagertuko lirarteke.

GKEk gardentasuna eskatu dute

Ildo beretik, gobernuz kanpoko zenbait erakunde (GKE) «gardentasun» handiagoa eskatu zioten atzo MMEko zuzendari nagusi Supachai Panitchpakdi-ri, MMEk duela urte bat Doha hirian hasitako negoziazioetan. Gobernuen artean nahiz talde murrizketan egiten diren bilerei buruzko argibideak eskatu dituzte GKE hauek, baita partaidetza handiagoa ere erakunde hauentzat negoziazioetan.

AYUNTAMIENTO DE LA ALFRANCA DE ERANDIO
ERANDIO

IRAGARKIA

FATIMA "G" SEKTOREKO PLAN PARTZIALEAN XEDAPEN ALDAKETA EGITEARI HASIERAKO ONESPENA EMATEA

Alkate-Udalburuak, 2002ko azaroaren 8an emandako 2.425/2002 zenbakidun Dekretuaren bitartez, honako hau ebatzi du: Fatimako "G" Sektoroko Plan Partzialean Xedapen Aldaketa egiteari hasierako onarpenera ematea, txosten teknikoetan ezarritako betebeharrak izanik. Xedapen Aldaketaren proposamena Javier Rodríguez Ortiz de Zarate arkitektoak aurkeztu zion udalari.

Espedientea jendaurrean erakutsiko dugu HAMABOST EGUNEZ, esandako epea, iragarki hau Bizkaiko Aldizkari Ofizialean argitaratu ematen den egunetik aurrera kontatuko da eta Udaletxeko Hirigintza Saileko bulegoetan espedientea aztertu eta egokitzat irizitako alegazioak aurkeztu ahal izango dira.

Mikel ARIETA-ARAUNABENA BUSTINZA, Alkate-Udalburua

GASOLINDEGIAN

DONOSTIALDEKO LANGILEA

BEHAR DA MEKANIKAKO

EZAGUPIDEAK DITUENA.

943 27 92 11